

36. aðalfundur Landssambands smábátæigenda tillögur samþykktar í allsherjarnefnd

Efnisyfirlit

<i>Bryggjuskattur</i>	2
<i>Grásleppa – stjórnun veiða 2020</i>	2
<i>Meðafli við grásleppuveiðar</i>	2
<i>Frumvarp um atvinnu- og byggðakvóta í Samráðsgátt</i>	2
<i>Byggðakvóti</i>	2
<i>Lokun veiðisvæða, takmarkanir og ágangur stærri skipa</i>	3
<i>Hafrannsóknastofnun</i>	3
<i>Umhverfismál</i>	4
<i>Stjórn fiskveiða</i>	4
<i>Afladagbókarapp og fjarskipti</i>	5
<i>Sjómannaafláttur</i>	5
<i>Aðalfundur LS</i>	5

Bryggjuskattur

- Aðalfundur Landssambands smábátæigenda krefst þess að gjald sem lagt er á veiðileyfi strandveiðibáta - kr. 50 þúsund - verði fellt niður.

Gjaldið felur í sér mismunun við veiðileyfi annarra útgerðarflokka og er því ólöglegt að mati LS.

Grásleppa – stjórnun veiða 2020

- Aðalfundur LS fordæmir þau vinnubrögð sem sjávarútvegsráðherra hafði við framkvæmd grásleppuveiða á þessu ári. Með þeim var grásleppuútgerðum freklega mismunað og skemmdarverk unnið á stjórnkerfi þessara veiða.

Meðafli við grásleppuveiðar

- Aðalfundur LS mótmælir harðlega þeirri aðferðafræði sem viðhöfð hefur verið við útreikninga á heildarfjölda fugla og sela sem meðafli í grásleppunet út frá veiðieftirlisferðum Fiskistofu.
- Aðalfundur LS óskar eftir að svæðistakmörkun á grásleppuveiðum í Faxaflóa verði tekin til endurskoðunar.

Frumvarp um atvinnu- og byggðakvóta í Samráðsgátt

- Aðalfundur LS mótmælir þeim hugmyndum harðlega sem kynntar eru í nýju frumvarpi um atvinnu- og byggðakvóta um að festa strandveiðar inn í „heildarpotti“ sem tekur mið af aflamarkskerfinu. Með því er verið að þvinga sóknarmarksfyrirkomulag strandveiðanna inn í aflamarkskerfið.

Jafnframt hafnar fundurinn að ónýtt línuvillun komi til viðbótar við byggðakvóta. Verði heimildir aflögu fari til aukningar krókaveiða, þar með talið strandveiða.

Byggðakvóti

- Aðalfundur LS leggur til að heimildir til byggðakvóta verði notaðar við fiskveiðar og úthlutað til sveitarfélaga samkvæmt reglum sem mótaðar hafa verið. Rétt til nýtingar byggðakvóta hafa dagróðrabátar minni en 30 brt sem skráðir eru í viðkomandi byggðarlagi ásamt útgerð þeirra og eru gerðir þaðan út, enda hafi viðkomandi uppfyllt framangreint á næstliðnu fiskveiðiári.

Byggðakvóti verði ívilnun á aflaheimildir við löndun með sama hætti og um línuívilnun. Auk þess verði allt að 10 tonn eyrnamerkt til útgerða þar sem eigandi hefur átt heimilisfesti í byggðarlaginu síðastliðin 3 ár.

Fiskvinnsla í viðkomandi byggðarlagi hefur forkaupsrétt að afla þeirra báta sem njóta byggðaívilnunar. Greiðslufyrirkomulag og greiðslutrygging skal vera með sama hætti og hjá aðilum sem kaupa af fiskmörkuðum. Þar sem ekki er fiskvinnsla eða vinnsla sem neitar að taka við aflanum skal hann boðinn upp á fiskmarkaði.

Lokun veiðisvæða, takmarkanir og ágangur stærri skipa

- Aðalfundur LS lýsir yfir verulegum áhyggjum vegna síaukins þrýstings til veiða stærri skipa á grunnslóð, veiðislóð smábáta.
- Aðalfundur LS styður beiðni FSA um að ný mörk „skápsins“ verði við Ósafles 65°37,4 - 13°54,8 og þaðan til NNA í stað 65°45,00 – 13°48,0 síðan réttvísandi til austurs að 12 mílna mörkum. Breytingin gerir ráð fyrir að skipum styttri en 42 metrar og með aflvísi lægri en 2500 verði óheimilar veiðar innan 12 sjómílna í stað 6 sjómílna.

Það er með öllu óskiljanlegt að togveiðar skulu vera heimilar svo nærri landi á viðkvæmum svæðum, svo viðkvæmum að í yfirgripsmikilli skýrslu starfhóps um endurskoðun á veiðarfærum – veiði- og verndarsvæðum, er talin þörf á að vernda nærliggjandi svæði fyrir handfæraveiðum um ókomin ár.

- Aðalfundur LS styður kröfu FSA um að reglugerðarhólf í Lónsdýpi og á Stokksnesgrunni sbr. 8. gr. reglugerð 961/2019 (keiluhólf) verði tafarlaust opnuð, enda engin rök lengur sem réttlæta lokun.

Lokunin var sett á vegna friðunar á keilu sem ekki er lengur á tegundalista skipa og því ekki ástæða til að banna línuveiðar þar lengur.

- Aðalfundur LS styður kröfu Snæfells að línan í Selsker á Breiðafirði haldist óbreytt eins og hún hefur verið í áraraðir.
- Aðalfundur LS styður kröfu Fonts um að endurskoðað verði lokanir grunnslóð í Pistilfirði (Heiðargrunni) þar sem félagið telur að lokanir séu byggðar á röngum forsendum.

Hafrannsóknastofnun

- Aðalfundur LS bendir á þá staðreynd að fyrir daga kvótakerfisins voru hástemmdar yfirlýsingar Hafrannsóknastofnunar um 450-500 þúsund tónna afla í þorski, yrði tillögum hennar hlýtt. Nú, 35 árum síðar hefur margsinnis sýnt sig að tilraunastarfsemi Hafró hefur mistekist með öllu. Því ber brýna nauðsyn að

vinnubrögð og stefna stofnunarinnar sé tekin til gagngerrar endurskoðunar af hlutlausum aðilum þar sem jafnt ráðgjöf og rannsóknaraðferðir eru undir.

- Aðalfundur LS skorar á stjórnvöld að auka rannsóknir á lífríki Breiðafjarðar, sérstaklega ef auka eigi nýtingu þara úr firðinum, og hvaða áhrif hún hafi á lífríki fjarðarins og viðgang fiskiseiða.

Umhverfismál

- Aðalfundur LS vekur athygli þeirra sem ábyrgð bera, að síðustu þrjá áratugi hefur tilraunaeldi í sjókvíum og kræklingarækt verið stundað í Eyjafirði og Skjálfanda. Öll þessi starfsemi hefur nú verið lögð af. Þrátt fyrir leyfisskyldu og starfað hafi verið undir eftirliti hins opinbera er viðskilnaðurinn engu líkur. Rusl skilið eftir í sjónum, svo sem belgir, tóg, keðjur og festingar við sjávarbotn. Tjón á bátum og endalaust veiðafæratjón. Þetta er flestum ókunnugt, nema smábátasjómönnum og þeim sem þessa iðju stunduðu.

Aðalfundur LS gerir kröfu til stjórnvalda að svæðið verði hreinsað tafarlaust.

- Aðalfundur LS tekur undir samþykkt Snæfells að hafnar hugmyndum Breiðafjarðarnefndar um að gera Breiðafjörð að þjóðgarði í sjó.
- Aðalfundur LS skorar á umhverfisráðherra, Guðmund Inga Guðbrandsson, að beita sér fyrir því að gert verði umhverfismat á áhrifum veiðarfæra sem heimilt er nota á Íslandsmiðum á sjávarbotn og lífríki sjávar.

Stjórn fiskveiða

- Aðalfundur LS hvetur sjávarútvegsráðherra að beita sér fyrir breytingu á lögum um stjórn fiskveiða þannig að heimilt verði að veita undanþágu frá veiðiskyldu þeirra aðila sem lenda í alvarlegum veikindum eða óhöppum.
- Aðalfundur LS hafnar öllum hugmyndum um sameiningu aflamarks- og krókaaflamarks.
- Aðalfundur LS krefst þess að lokað verði fyrir þann möguleika að færa aflaheimildir úr krókaaflamarskerfinu í aflamarskerfið.
- Aðalfundur LS krefst þess að tímabil VS afla verði samfellt.
- Aðalfundur LS hvetur útgerðarmenn smábáta að kalla til starfsmann Fiskistofu þegar vafi leikur á að um ónýtan afla er að ræða.

Afladagbókarapp og fjarskipti

- Aðalfundur LS leggur til að heimilt verði að veita undanþágu varðandi á notkun afladagbókarappsins þar til ásættanlegar lausnir hafa komið fram. Ennfremur leggur fundurinn til að „appið“ verði einfaldað til muna. Þá telur fundurinn rétt að skoðað verði hvort það sé ekki tímaskekkja að vera að fylla út í afladagbók þegar allar upplýsingar liggja fyrir á netinu örfáum mínútum eftir að bátur kemur til hafnar.
- Aðalfundur LS krefst þess að GSM samband verði þegar bætt út af öllum Vestfjörðum. Hér er um öryggismál að ræða.

Sjómannaafláttur

- Aðalfundur LS hvetur til að sjómannaafsláttur verði endurvakinn.

Aðalfundur LS

- Allsherjarnefnd aðalfundar vísar þeim tilmælum til stjórnar LS að síðari hluti aðalfundar fari fram með hefðbundnum hætti sé þess nokkur kostur.